

明

史

明史卷四百十四

外蕃傳

外蕃二

占城

西南首占城國古越裳氏漢象林縣功曹區澣殺令
自稱林邑王後歸范氏唐元和初更號占城累執為
城故云宋慶元中為真臘所并又名占臘歷代朝貢
不絕洪武二年命行人吳用等齎璽書使占城其王
阿答阿者遣虎都蠻來貢虎象命中書省管勾甘桓
會同館副使路貢賢往對為占城國王賜鍍金印大
統曆金綺其王瑣里人也是年貢使蒲旦麻都言安
南徧境諭兩罷兵三年遣祀其國山川以占城通文

乎令貢士赴京師四年遣答班瓜下農奉金葉表來
貢言安南數侵擾乞賜兵器樂人俾知聲教所被不
敢輟欺貢帝命中書省咨王言占城安南並奉正朔
已諭安南令罷兵更給酒兵器是佐闢也聲樂方言
各異如酒國能習華音聽赴京肄習并諭福建行省
免征占城海船示懷柔意八年諭占城等國三年一
朝貢以貢使挈行商多詐著祖訓沮遏之十六年遣
子來賀聖節賜勘合文冊二十四年以其臣閻勝弑
立絕貢使永樂元年其王占巴的賴遣賀即位訴安

南侵掠諭息兵修好四年征安南勅占城會兵五年
獻黎氏俘七年命中使鄭和等往賜其國十一年再
征安南兵部尚書陳洽言初討黎賊及陳季擴占城
王出兵觀望至化州大掠以金帛戰象資季擴季擴
亦遣以黎蒼女約侵升華府厥罪惟均帝以交趾初
定不欲窮兵諭歸侵地十六年貢瑞象自永樂後三
年一貢其國嗣王輒請命宣德元年行人黃原昌往
頒正朔七年遣羅使者以前使及番伴百餘為占城
拘留懇于朝正統元年占城使至詔還所留暹羅人
及我軍往西洋未歸者六年行人吳惠齋勅立其嗣

王摩訶責時臘月尚暑國人多裸袒稻始熟明年上
元王藝沉檀燃火樹盛陳樂舞款客十二年攻安南
為黎瀨所敗摩訶責卒其子槃羅茶全請封天順中
命給事中江彤行人劉寅賜冊五年瀨破占城執茶
全去弟茶悅攝國事奏安南攻國却賜印以息兵諭
安南九年命給事陳峻等賈印封茶悅為王抵靈山
聞茶悅被擄乃還而瀨奏占城前襲其化州槃羅茶
全親率象馬令弟茶遂先發反弑茶全茶悅子茶質
皆來率搖峒伏竹弩攻殺茶遂自立遣吏黎文因發
兵擊盜頃已奉勅還所掠兵部尚書項忠以奏詞牴

悟請勅其實十四年瀨達阮達濟奏群占城非沃壤
曾無侵奪望遣使定疆界二十年占城復請封命給
中馮義行人張瑾賁勅印往而其王已死安南用偽
勅立國人提婆茗居攝義等即以印授之得厚賂還
義死海上瑾歸報而王弟古米先奏請嗣封前事頗
泄瑾坐專擅戍邊明年復遣給事李孟賜行人葉應
封古米為王古米奏前王荼全被擄弟荼悅潛匿比封
使至復為交人所執後懼天朝訪本國子孫立齊亞
麻勿菴為王止撥還邦都即至占臘地五處亡何死
弟古米序當立願遣使諭還全境二十七處四府一

州二十二縣東至海南至占臘西至黎人山北至阿
木喇補凡三千五百餘里而提婆苦者不知何許人
也抗言古來不當嗣二十三年古來自老撾走崖州
新辨孟陽等次廣州疏言占城僻險安南搆兵未靖
恐聚封損國威宜勅安南悔過仍令古來歸國聽勘
從之命兩廣督府王其事都御史屠蒲屬僉事姜英
勘寶僉謂古來王弟宜繼勅切責安南王瀨始聽命
蒲製海舟募勇士千人護古來至新州港弘治元年
古來奉金葉表謝十八年卒其子沙古卜刺詣封給
事任良弼等疏行勘明遣使賫勅至廣東境上令領

歸國報可正德五年仍命給事李賈行人劉廷瑞授
冊以無通事為解不果行嘉靖中沙古卜刺卒沙曰
底齊立二十二年遣叔沙不登古魯等貢方物請給
冠帶賜綵幣以安南攻掠獲送還貢使有通中國文
字者常寓蘓州見葵花問其名人給之曰一丈花即
題詩云五尺欄杆遮不盡獨留一半與人看亦足錄
也其國近瓊州府自五虎門開洋張十帆順風十晝
夜可至海口新洲港有石埕為標舟至是繫馬其城
以石壘四門王居屋宇高大牆垣荒坳甚潔民家茅
茨不得踰三尺開北戶向日鮮霜雪以月生為初月

晦為滿十次盈虧為一歲無閏月晝夜各五十刻十
更為法非午不起非子不睡見月則飲酒歌舞為樂
元旦驅象出郭名逐邪冬至定十一月望日俗獷悍
果戰聞尚釋教王戴三山金花冠身披五色錦團花
手中臂腕束金鐲玳瑁履乘象馬或黃犢車臣莢葉
冠男蓬頭女椎結以白氎布纏胸垂至足赤脚而行
衣禁元黃人以魚為業少耕種稻耐旱早熟宋真宗
時求種擇高田藝之即今黃私所謂占城稻也無麥
釀酒甕中封固生蛆為熟賓主統甕坐用竹簞啜且
注水味盡而止歲時縱人採生人胆鬻官苜長得胆

入酒與家人飲曰通身是胆也王嘗賀日沐人胆汁
出游持棋柳盤為渠國人日食棋柳裹羹菜包蠅鼓
灰行住坐卧不絕于口王在位三十年即入山齋戒
令子姪攝國居一歲額天我不道當充虎狼食或病
死期年無恙復入為王國人呼為芳黎馬哈刺札言
至聖至尊也屍頭蠻者婦人目無瞳夜飛頭入人家
食小兒穢妖氣侵腹兒即死頭返合體如故若封其
頭移體別處則死矣夫不報者罪之國刑輕者鞭脊
重者截鼻盜斷手姦烙面大辟以硬木削尖立舡上
罪人坐木自口出放水巾示衆如有疑獄官不能決

者令兩造騎水牛赴鰐魚潭理曲者鰐食之理直者
雖過數次魚出而不食亦一異也書用羊皮及黑木
皮削竹為筆醮白粉寫字若蚯蚓狀伽藍香惟一大
山有之偷採有禁觀音竹如藤長丈八尺節二三寸
色如鉄烏木降香樵以為薪犀角象牙甚廣犀大者
八百斤角在鼻端長可尺五寸身無毛背鱗甲紋牛
多不任耕耨有去入深山者自生自長年久成群但
見青衣人必追逐抵觸而死馬如駟鷄矮小脚高二
寸雄者紅冠白耳亞腰踠尾人置掌中亦啼波羅密
如東瓜貢物奇南箋沉檀栢花藤抹身薰衣諸香白

烏紅綿印花圓壁諸布又產瑤瑁孔雀朝霞大火珠
菩薩石薔薇水猛火油文木白藤吉貝縹紋之類其
隣國有賓童龍靈山寬裔

賓童龍與占城山地連接有雙澗水澄清佛書所云
舍衛城也日連居趾尚存氣候風俗與占城畧同惟
喪事能持孝服設佛以度死者酋長出入或象或馬
地產伽楠象牙

靈山峻嶺而方石泉下帶居民星散結網為業田肥
一年二收氣候風俗一如占城地產黑紋相對藤杖
檳榔荖葉往來商舶必在此汲水採薪以濟日用齋

沐輒經燃放水燈以禳人船之災

崑崙山鄧然瀛海之中與占城及東西竺時相望
山高而方根盤曠遠凡往西洋商船必往順風七晝
夜可過語云上怕七晝下怕崑崙針迷舵失人船莫
存其人穴居樹巢食魚蝦山菓

暹羅

暹羅本暹與羅斛二國暹即古赤土扶南別種羅斛
即古婆羅利暹土瘠不宜耕稼羅斛平衍多穫暹仰
給馬元至正間暹降羅斛為一國洪武初遣大理少
卿聞良輔往諭之四年其王參烈昭昆牙遣奈思里

儋刺職悉替奉金葉表朝貢賜大統曆王亦璘里人
六年其子寶昆牙復貢并獻其國地圖十年遣子昭
祿群貢表及方物命員外郎王恒賁詔賜暹羅國王
印給勘合文冊令三年一朝貢永樂元年昭祿群立
遣奈必表貢乞量衡式予之并賜金綺烈女傳二年
福建布政司奏有番舡泊岫係暹羅與琉球通好已
藉舡物請命帝曰諸番修好乃美事漂舟所宜加恤
令所司為治舟廩而遣之七年奉表遣蔡仁孝皇后
使還諭歸南海流民何八觀等十三年侵滿剌加國
輸金罷兵二十一年定例免抽貨稅給賞畢日許于

會同館開市宣德中賜予稍減成化十三年使來貢
汀州士人謝文彬以販鹽下海漂暹羅仕至坤岳坤
岳華言學士也至是偕來貿易番貨事覺下吏弘治
中命給事中林恒往冊封正德十年進金葉表貢方
物譯其字無識者大學士梁儲請選留來使一二名
在館肄習從之嘉靖中暹羅及占城各番舶至廣東
市舶太監牛榮縱僕私貿蘇木胡椒諸物鬻南京盤
獲伏法三十二年貢白象象斃于途遺牙一枝使者
飾以珠寶置金盤并象獻帝嘉其意禮遣之三十七
年其王勃畧坤恩利充池牙遣使朝貢明年從貢使

請還柁稅佐修艤費隆慶初來蠻牛求婚暹羅不許
統沙外兵破其國執世子及賜印歸萬曆初嗣王擊
走東蠻牛是後暹羅益強攻真臘降之七年来貢二
十年經畧侍郎宋應昌奏暹羅使握以喇等願督兵
勦倭策詔差官往諭二十二年緬酋雍罕等從蠻莫
遁歸暹羅卷甲趨之俘斬數萬緬勢遂衰四十五年
貢方物孔雀四十六年入貢崇禎十六年復入貢其
國在南海中自東莞放洋歷占城西南行順風七晝
夜至龍門登海口入港地方千里群山環繞峭嶺崎
嶇地下濕土疎惡氣候炎熱俗勁悍喜寇掠習水戰

削檠柳木為鏤水牛皮為牌並藥放火將多用堅鉄
裹身刀矢不能入堅鉄者人腦骨也王居壯麗覆以
錫瓦民多棲居密聯檣柳片繫以藤甚固王跨象或
乘輿挾金柄傘以茭葦葉砌成白布纏首腰束錦帨
以受封天朝獨留髮尚釋教多僧尼經乎什橫書家
有百金即以其半施佛婦人多智大小事悉決之其
夫聽命而已遇中國男子輒私之置酒歡飲同坐卧
其夫怙不為怪曰吾妻美中國人喜愛也男陽嵌錫
珠數顆用藥封鐸膏責者範金盛珠安砂子一粒行
動颯颯有聲婦女以諸香澤其體髮日夕三四浴婚

則請僧娶女紅帖男額稱利市喪禮人家灌水銀莖
民間將尸放海邊僧咒各色大鳥下食之餘骨棄水
中謂之烏莖市用海八黃海為鹽釀蔗為酒羅斛香
焚極清遠又產檀速降熟乳木烏丁諸香蘇木賊如
薪六足龜白象白鼠獅子貓兒翠毛白荖紅撒哈刺
地紋節智乍蓮花細棋子等布進貢西北去二百餘
里有一市鎮曰上水番人五百餘家諸貨皆有最貴
者紅馬斯肯的石

真臘

真臘本扶南屬國其王利利質多斯那并扶南而有

之東際海西接蒲甘南連加羅希北抵占城隋大業
中始通中國唐神龍後國分為二南近海為水真臘
北多山為陸真臘後復合為一屬國有叅半真里登
流眉蒲甘等國所領衆落六十餘地方七千餘里宋
宣和初封為真臘國王慶元中伐占城破之立真臘
人為王故占城亦為屬國洪武六年國王忽爾那遣
奈亦吉即表貢方物賜大統曆文綺二十年行人唐
敬使其國國王正黎列保昆耶甘苦者貢象五十九
永樂初以即位諭海外諸蕃御史尹綬使真臘繪山
川為圖以獻三年其王參烈婆昆牙卒命序班王致

往祭給事畢進賚詔封其子嗣王景泰二年貢賜王
及妃文綺其後朝貢不絕風土記自温州開洋經交
趾抵占城可半月至真蒲即其境也國中有銅臺列
銅塔二十四銅象八鎮其上象各重四千斤有戰象
幾二十萬王三日一聽朝坐七寶床出入擁劍立象
上小金塔金佛前熏列玉猿孔雀犀象名百塔洲以
桑香佛舍飲饌金盤碗盛之故諺云富貴真臘也男
女椎髻短衫腰圍布手足並帶金鐲以香藥塗體家
奉佛僧茹魚肉惟不飲酒疊貝葉為經每旦洗滌以
楊枝淨齒誦經咒書以鹿麂皮染黑顏粉寫字亦有

通天文者能推算日月薄蝕以十月為歲首閏用九月夜分四更候煖不識霜雪夏秋多雨移避山居煮海為鹽田禾豐足不事蠶織後還人來居得桑與蠶種織紵縫補率倚還婦為之女十歲即嫁婚娶燃燈不息東向為上右手為潔貢物象牙犀角孔雀翎寶石土降香黃花木烏木藥木胡椒薰蠟貿易以婦人貴中國針梳鍋席磁漆等器今海舶止抵海隅等木州以柴為城華人居之市道甚平

瓜哇

瓜哇古閩婆國一名蒲家龍今稱下港舊傳鬼子魔

天興一國象合生子百餘啖人血肉佛書所云鬼國也忽一日雷震石裂中坐一人衆異之奉為國王遂領兵驅逐衆魔而不為害今移文後書一千三百三十六年考之殆肇自漢初云宋元嘉中始通中國唐曰訶陵宋仍號閩婆元封辰哇國王至元中命平章史弼高興征之不克而還洪武二年遣行人賜墨書明年王昔里八達刺遣八的占必奉金葉表貢方物納元所授勅九年王八達那巴那務貢白鹿孔雀尋以中朝待所屬三佛齊與之埒使臣取道要殺之十三年遣阿烈彝烈貢黑奴三百人詔切資絕之後其

國分東西二王永樂元年東王李合速哈遣使朝貢
請印與之五年西王都馬板城東王會朝使過東王
城西王截殺百七十人降勅詰問西王懼請償死者
黃金六萬兩已貢萬兩禮官請索如數帝曰朕合速
人知畏耳寧利金耶罷弗徵賜鈔幣諭之十六年西
王楊惟西沙遣使獻白鸚鵡宣德後久不至正統三
年來貢使臣亞烈馬用良八諦南巫先後乞賜金銀
幣予之亞烈八諦皆官名用良與通事良殷南文旦
並漳州人族乞還鄉用良文旦乞便過里許之命有
司給路費時真臘等十一國使臣歸勅瓜哇護其行

景泰三年王已刺武求傘蓋蟒衣詔給其一足後朝
貢無常其國東抵女人國西抵三佛齊南抵古大食
國北抵占城自泉南發舟初至杜板僅千家二酋主
之流寓皆廣東漳泉人有水一泓甚甘稱聖水相傳
史弼高興軍至之水祝天揀鎗地上泉隨湧出東行
半日至斯村中國人客此成聚因名新村約千餘家
村主廣東人番船至此互市金寶充積又南水行可
半日至淡水港乘小艇行二十餘里至蘇魯馬益米
糧可湊亦近千餘家半中國人港傍大洲林木茂蔚
有長尾獼猴數萬舊傳此村五百餘口男女克惡有

異僧取水咽之化為獼猴獨老嫗不化隨老猴為侶
婦人無子者具酒菜往禱老猴喜食之即令雌雄二
猴交媾于前此婦到家即有孕也說甚怪誕又水行
八十里至潭石登岬西南陸行半日至王所居滿者
伯夷僅二三百家統領七八人王宮磚牖高餘三丈
方三十餘里屋高四丈地覆板蒙藤花蓆跣趺而坐
民居茅茨磚庫坐卧其中王選頭頂金葉冠胸紫嵌
絲腕錦綺壓腰佩短刀洗足跨馬或乘牛男子裸頭
裸身生子則置乃如背名不剃頭以金銀犀象雕飾
貧富老幼皆佩之人人自愛其頭若以手摸之或買

責爭競即拔刀刺死逃匿三日日出即無事矣女子推
髻項上聯紉金珠兩耳塞菱樟葉婚男至女家成
親三日後迎歸銅鑼銅鼓吹柳殼筒放火銃刀牌迎
繞其婦披髮跣足金銀寶粧以花草結成彩舫而伴
送之喪有水堊火堊犬堊惟死者所欲犬堊者將尸
置海上犬來食之責家婢妾願殉葬者以木高架積
薪縱火焚主棺其女滿頭揀花身披五色手中焚跳
號哭投入火中每月圓之夜番婦二十餘人成隊聯
臂蹋歌至大家門首贈以鈔帛名步月行以十月為
春首有竹鎗會夫婦各坐塔車至會所兩邊擺下對

手各執竹鏡鎗無刃但削尖甚堅利妻執三尺木棍
立其中以鼓為號二男交鋒三合二妻以棍隔之曰
那刺那刺即退散若殺死其王令勝者與死者家金
錢一箇死者之妻即隨勝者男子而去寇盜少不設
刑禁輕者金贖重即以藤繫殺之市用中國古錢
衡量倍于中國華船上澗貿易晨集午罷王日徵其
稅澗東紅毛番澗西佛郎機各起土庫歲以哈板船
往來寄同瑣里無紙筆以刀刻葉上國人三種而番
賈服食雅潔唐人尚回回教持齋受戒土人坐卧無
倚壩飲食無匙筋啖蛇蟻虫蚓至與犬同寢食樂有

橫箏鼓板銅鼓响欲過雲值數十金貢物孔雀鶴頂
火鷄犀象龜同玳瑁珍珠諸名香藥烏爹泥金剛子
碗石錫而洋鐵摺刀鎗苾布鶴頂鳥大于鴨腦骨厚
寸餘外黃內赤火鷄大于鶴軟紅冠銳嘴毛如青羊
食炭又有倒掛鳥形如雀五色每焚異香取貯翼間
夜則張羽倒掛散之亦饒吉貝枕椰青藍綠鳩白虎
白猿紅綠白鸚鵡所屬蘇吉丹丁機宜打板打網底
勿等國旁國重迦邏吉里地閩磔里日羅夏治合猫
里

蘇吉丹今訛為思吉港聞婆支國直泉州丙己方東

至海水勢漸低女人國在焉迤東則尾閭所泄非人
世矣王五色布纏頭跣足出服以傘從者五百餘各
持刀鎗頭戴帽如虎鹿牛狀不一剪髮裸體以布束
腰波羅密果甘美蔗長踰丈或曰思吉港聚落頗衆
而吉力石其主也國在山中賈舶僅經其水瀉華人
泊饒洞貿易饒洞曠衍以石為城酋長乘車御馬亦
御黃犢南簿皆倭風俗大類下港饒洞之後為金後
山饒有修竹茉莉土人以一紙蔽下體種豆供食或
射虎佐酒

丁機宜幅圓最狹酋衆僅千餘其國以木為城王居

列鐘鼓樓出入駟象歲首十月蓋奉瓜哇正朔也風
俗相近性好潔酒禁甚嚴上族輒不御酒客至以扶
藜藤檳榔代茗惟細民無賴時時闌入醉鄉曹偶共
笑之地接柔佛為所侵始通姻好與華人舟中互市
產象牙黃蠟嘉文席

重迦邏與瓜哇接界高山奇秀內有石洞前後三門
可容二三萬人氣候常暑田穀亞于瓜哇風俗頗淳國
無酋長推高年有德主之男女撮髻穿長衫圍摺布
手中焚海為鹽釀秫為酒產羚羊鸚鵡木棉椰子綿
紗又去數日水程曰孫陀羅曰琵琶拖曰丹重曰負

峇日彭里不事耕作尚冠掠與吉陀崎諸國相通
商船少至

吉里地閩在重迦邏東與瓜哇接山最奇秀滿山皆
梅標至伐為薪氣候苦熱蒸人午必俛首水坐差可
辟瘴然亦染疾死男女斷髮穿短衫夜卧不覆體俗以
立為尊國人見王則坐地合掌不知年歲亦無姓氏
文字以石片紀事如千石則總于繩為一結訟則兩
造各牽羊曲者沒之蓋猶有結繩未失之風馬田肥
宜穀商船所聚有十二所每舶至王必出臨之侍衛
頗盛日輸稅亦不苛索也

碟里在東南海中大洲上有諸港通海人浮少訟尚
佛產烏木蘇木永樂三年國王遣馬黑木來朝貢
日羅夏治海中小國無他產產蘇木胡椒頗知種藝
奉佛鮮盜永樂三年國王遣文那打時鎮來朝貢
合猶里即猶里務地小土瘠多山山外大海饒魚虫
人亦知耕稼產胡椒蘇木烏木永樂三年國王遣回
司道奴馬高來朝貢地鄰呂宋漸成沃土俗亦近馴
舶人語曰若要富須尋猶里務有網中礁老者蕩舟
為盜海上往來甚駛其國重遭寇掠遂轉貧困賈舶
多指別島

三佛齊

三佛齊即舊港又名淳淋在東南海中本南蠻別種有地十五州東距爪哇西距滿刺加南連大山北濱海自爪哇南向順風八晝夜至或云與占城隣所屬有單馬令凌牙斯達豐登牙儂細蘭諸國王號唐卑國人多姓蒲唐天祐中始通中國迄宋朝貢元世祖招之不至洪武初遣行人趙述使其國其王恒麻沙那阿稱臣入貢四年嗣王哈刺札八刺卜遣玉的力馬罕亦里麻思奉金葉表貢方物賜大統曆文幣六年來賀正旦八年使從我招諭拂菻十年王卒封其

于麻那者巫里嗣王賜號組鑲金印其國初隸爪哇
後為所并國廢于舊港置小荷市易南海商梁道明
累居積歲遂糾衆為之長永樂二年命行人譚勝招
還而廣東有陳祖義者亡命為將領橫掠行旅五年
中使鄭和統海舶下西洋祖義鄉人施進來訴擒殺
之承制官進留舊港為長是年遣婿丘彥誠入貢以
進為舊港宣慰使進歿女二姐襲職修貢貢同諸番
嘉靖四十一年廣東大盜張璉林朝曦黃啓薦等作
亂帝命都督劉顯等往勦顯陰賂璉以脅從數十人
就戮報捷璉等遁入三佛齊國萬曆丁丑中國人見

璉在三佛森列肆為舶主如市舶官體統云其國水
多地少部領得陸居餘架筏水中為梁柱蓋屋水長則
筏浮便遷徙土沃倍地壤語云一年種穀三年生金
言穀多可買金也有花酒蜜酒椰子檳榔酒皆非麵
藥所醞藥有小琴小鼓崑崙奴踏曲番舶輻湊多漳
泉人市用錢布字梵書視王椅環為印亦有中國文
字累甃為城周數十里覆屋以椰葉不輸稅賦有征
伐則調發習水戰人用香油塗身服藥刀不能傷遇
敵敢死鄰國畏之產紅藤紫礦神虎貓睛石脰胸臍
蕐薇水龍腦箋沉金銀香之屬神虎如巨豕高三尺

短毛蹄三鈴金銀香如銀匠跋花黑膠中有塊如白
蠟甚酷烈貢物鶴頂火鷄黑熊白獺五色鸚鵡龜筒
苾布兜羅綿諸香

文郎馬神國近山以木為城居民築室大類三佛齊
五色布纓首腹背多裸或著衣小袖蒙頭而入下體
以綆圍之初以蕉葉盛食及通中國漸用磁器好市
華人磁甕盡龍其外人死貯甕以堊王出乘象或泛
舟以繡女從典衣持鈎捧棋柳盤威儀甚都華人與
番女通輒削其髮以女妻之不聽歸也女蓄髮若短
見華人髮長羨之或給曰我長中華用華水沐耳番

女競市舟中水華人故新以資嘲笑間携香蕉茉莉
相贈土產鶴頂斜藤最多入山深處有村名烏龍里
彈其人盡生尾逢人羞避掩面欲避然地饒沙金番
人携貨往市擊小銅鼓為號貨到地上却立山中人
前視貨當意者置金貨側持去按水經注其國一稱
文狼或曰馬援遺兵流寓號馬流者殆其苗裔云

百花

百花居海中依山為國天氣恒燠如春多嘉樹奇卉
四時蔥鬱故名俗富饒尚佛教或云即宋史注華國
本後屬三佛齊洪武十一年其王刺丁刺者望沙亦

遣八智亞壇奉金葉表朝貢產紅猴白虎龜筒玳瑁
孔雀倒掛烏椒蠟今附舶著山濠鏡澳貿易

浮泥

浮泥本閩婆屬國在西南大海中去占城一月程所
統十四州前代不通中國宋太平興國王向打始入
貢元豐中錫里麻諾復貢元無聞焉洪武三年命都
御史張敬之都司沈秩持詔往諭其王馬合謨沙頗
倨傲秩正言折之乃竦聽遣亦思麻逸奉金表銀箋
來貢方物賜金綺八年詔浮泥山川之神附祭福建
永樂三年遣使封麻那惹如那乃為浮泥國王賜印

符誥幣六年王率其妃及子來朝遣中使迎勞所過
郡縣設宴抵京王奉金表獻珍物妃箋獻中宮東宮
帝宴王奉天門命供帳會同館日給牲牢上尊賜金
玉帶繡龍襲衣鞍馬是年王卒輟朝三日祭賻甚厚
塋石子崗立祠樹碑謚恭順封其子遐旺嗣遣使送
歸故事歲輸瓜哇片腦四十斤帝勅瓜哇罷征兼封
其國山為長寧鎮國之山製文勒石從所請也十二年
洪熙元年皆來貢萬曆中國王卒無子族衆爭立相
攻且盡乃立女為王今稱天泥祿暹羅嘗與回回錫
蘭山各附香山濠鏡灣貿易其國以板為城王所居

獲以月多葉坐繩床出則擁夫布單衣舁之名茂囊
地熱多風雨有麻稻無麥蠶絲飲椰子酒以竹編貝
葉貯食鳴鼓擊鉦為樂崇佛像好齋最敬華人醉者
輒扶以歸婚聘先以酒次檳榔又次指環或金錢成
禮以十二月七日為歲節習戰聞銅鑄甲若火筒獲
腹背有藥樹剪其根為膏服之及塗體兵刃傷不死
莖用棺以竹輦載棄山中二月始耕祀之如是七年
不復祀矣產布紙象牙鶴頂吉貝西國米荳藤其片
腦極佳以燃火沉水中火不滅有數名把雜爾腹中
生一石能療百病貢物寶珠梅花龍腦生玳瑁諸香

金銀八寶器五色鸚鵡倒掛烏黑小廝

南巫里

南巫里即南泥利隸浮泥自蘇門答刺舟行三晝夜可至東距黎代西北距海南連大山山南際海僅千餘家皆回回人永樂中王馬哈麻沙入貢王居如樓高三四丈四圍以板甚潔樓下縱牧牛羊畜之俗朴少穀食魚蝦市用銅錢產降真香名蓮花降最佳亦有犀牛西北大海洋中有帽山平頂番名那沒黎賈船皆棹此山為指南山下淺水有珊瑚樹大者高二三尺枝婆婆可愛山居人數千家問其姓名則曰阿

孤校言我是王或問其次曰阿孤後我亦是王也

蘇祿

蘇祿在東南海中近浮泥瑣里其國分東峒凡三王東王為尊西峒王次之永樂十五年東王巴都葛以荅刺西王麻哈刺吃葛刺麻丁峒王以都葛巴刺卜並率其屬三百餘人奉金鏤表來朝貢方物賜王冠服璘王金帶鈔幣各給印誥即是一部封為王東王歸次德州卒命塋以王禮謚恭定賜祭御製碑文樹墓道命其子都麻舍還國留次妃葛本年次子安都祿等守墓歲支米七十五石萬曆中奉裁其五代孫安

守孫猶為奏復云都麻舍嗣封十九年遣使來貢貢
道由廣東今貢船所至城頗據天險疑伺王所都聚
惑不滿千家佛即機屢擁兵攻之不能下其國有珠
池入夜望之光浮水面番人時從蛟室探珠滿袖賈
舶至彼得一二携歸獲利数十倍永樂時獻巨珠一
顆重七兩五錢帝大喜厚酬之地瘠少種植食魚蝦
螺蛤短髮纏皂纓腰圍水印花布煮海為鹽釀蔗為
酒織竹布為業氣候常暑貢物有玳瑁降香蘇木香
錫梅花腦米腦華菱鄰近境名高藥亦饒玳瑁

彭亨一名彭坑直暹邏西在東南海島中石崖崎嶇
旁多平原望之坦迤如塞王沃候溫宜稼饒蔬果稀
鳥獸誅茅覆屋木城廣可數里煮海為鹽釀椰為酒
上下親狎耻為盜椎髻繫單裙富家女子飾金圈四
五于頂髮常人五色珠圈好誦佛經尤尚怪刻香水
為神殺人血祭洪武十一年其王麻哈刺惹答饒遣
使奉金葉表貢方物及番奴賜絲幣永樂十二年遣
蘇麻固門的里來朝貢方物有金水罐象牙連標
片腦諸香花錫今附舶香山濠鏡灣貿易或曰其國
隣柔佛柔佛之副王精保健聞其子娶彭亨王女將

婚副王送子之彭亨王張宴親屬畢會婆羅王子者
贊于彭亨為王妹婚時典席起為壽手指一巨珠光
耀異常副王心欲之王子靳弗于副王恙歸而治兵
攻彭亨王與婆羅王子奔金山會漆泥王以妹為王
妃率衆未援副王焚掠其宮室去彭亨命長子攝國
隨妃往漆泥久之歸而次子驍弒父兄自立有婆羅
屬番司毛思賊每掠人口海上賣彭亨充崑崙奴云
柔佛一名烏丁礁林王服帶雙刀諸酋望見王棄刀
于地和南序立享用菱葦以刀刻之歲首四月地不
產穀惟跳喜無彭亨丁機宜之間殆無寧日

婆羅

婆羅一名文萊負山面海為東洋盡處西洋所自起
俗素食念佛喜施慈殺民食諸肉論死有東西二王
永樂四年各遣其臣勿黎哥等來朝貢珍珠玳瑁瑪
瑙車渠焦布香蠟黑小所賜王紵絲紗羅織金大紅
錦手巾王妃綵幣相傳國王為閩人隨鄭和往因留
鎮馬王府旁有中國碑番人嫁娶請王金印印背篆
文獸形云是永樂間賜然不載會典或其王假以彈
壓部落非頒自上方也王祝髮裹金繡中腰背雙劍
步行其親屬稱邦奇蘭嚴重亞于王向有石城木城

各一以築岸閉潮折石城于長腰嶼止存木城先是
佛即機來侵國人走小谷流藥水出佛即機多為所
毒死因奔呂宋或曰即古師子國在西海中延袤二
千餘里多產奇寶四序暄和稱樂土宋淳化中閩婆
使者來言其鄰國有婆羅門者有異術人相危害能
先知之婆羅即天竺也

滿刺加

滿刺加舊名五嶼直占城極南自舊港順風八晝夜
至或云自東莞放洋至崑崙收龍牙門港二日程東
南距海西北皆山山孤人少受制暹羅歲輸四千兩

向未稱國永樂三年酋長西利八兒速刺遣使奉金
葉表朝貢願內附為屬郡七年太監鄭和齎詔勅銀
印封為滿刺加國王諭暹羅無侵擾封其國西山為
鎮國之山御製碑文勒石帝以尚書蹇義善書手授
金龍文箋命書焉九年嗣王拜里迷蘇利率妻子及
陪臣五百四十人來朝貢命中使海壽部中黃裳迎
勞帝御奉天門宴王賜玉帶龍衣金銀器皿供帳妃
及子姓僚從各賜冠服文綺有差遣使送歸國郊餞
十年修貢十二年王母來朝厚賜之宣德九年嗣王
西里麻哈刺者復來朝貢優禮異他國命工部治舟

遣歸正統十年後貢使數至天順三年王無答佛哪
沙卒子蘇丹茫速沙請封遣使冊為王成化九年給
事陳峻等封占城王槃羅茶悅聞為安南所擄抵靈
山不敢入遂以所賫物假風汎至滿刺加互市誘其
王入貢十四年復因其子馬哈木沙請封命給事林
榮行人黃乾亨往冊還抵洋興遭風溺死予蔭兩後
遂罷封使正德中被佛却機仇殺其王蘇端馬末見
遜退居彼隄兵去復國嘉靖初修貢八年廣東以擄
勦佛却機并絕安南滿刺加諸番船兵部議廣東原
設市舶司應聽如舊許之二十七年都御史宋統報

佛即機劫漳州大破之走馬溪以御史疏糾激殺命
給事杜汝楨往勘奏前賊係滿剌加國人私招沿海
亡類往來販鬻拒殺典親奏異親竟得罪死其國氣
倏朝熱暮寒土瘠敕薄有一大溪水從王居前過轉
流入海王於溪上造橋橋亭二十餘間市肆聚馬屋
如樓閣用水高低層布連床趺坐卧室厨廁皆在上
也王居飾以錫箔王白帟纏首衣青花袍躡皮屨乘
轎男子椎髻短衫圍白布手巾膚黑漆間有白者唐
人種俗淳朴尚回回教婚喪之禮頗似瓜哇人多以
漁為業獨木剡舟泛海取魚有小泉流為溪溪中洶

取錫煎成塊曰斗錫輸官通市並用此其山塢錫塢
王令頭目主之山野有樹名孤村鄉民削其皮搗粉
作丸晒乾而賣名沙孤米可作飯海畔水草名茭葦
性柔軟取其子釀酒亦能醉人其葉織成細席名蕉
心簾又有打麻兒香樹脂流入土內掘出點火即著
塗抹番瓶水不能入有明淨如金箔者名損都盧斯
番人以為帽珠山有黑虎視虎差小或變人形白晝
入市有覺者擒殺之龜龍高四尺四足身負鱗甲露
長牙遇噬人即死亦有尸頭蠻賈舶至輒立門柵擊
鼓柝以為防護貢物有金母鶴頂白麂黑猿鎖服花

經黑小廝番鹽錫烏爹泥諸香今其國為佛郎機所
據訛稱麻六甲或云即古哥羅富沙往滿刺加入龍
牙門接九州山今並附見

龍牙門山門相對如龍角狀中通過船山塗田瘠米
穀甚厚氣候常熱四五月間淫雨男女椎髻短衫圍
稍布南有涼傘蕉以剗掠為豪遇番舶多駕小舟迎
敵非順風罕有脫者

龍牙菩提周圍皆山排石壘門無田耕種但栽薯蕷
為糧氣候多暑俗朴而淳男女椎髻衣木棉布煮海
為鹽浸芋蔴根以釀酒產速香檳榔椰子

龍牙犀角其地內平外尖民蟻附居之氣候常熱田
禾時熟俗尚淳厚男女椎髻圓麻逸布窄短衫以親
戚尊長為重一日不見則携酒詣問安煮海為鹽釀
林為酒產沉速降真黃熟香鶴頂蜂窠砂糖

龍涎與浮漚海面波擊雲騰每至春間群龍來集于
上交戲而遺涎沫蕃人乃駕獨木舟登嶼採取而歸
設遇風波則人皆下海一手搦水而至岬也其龍涎
初若脂膠黑黃色頗有魚腥氣久則成大塊或大魚
腹中剖出若斗大圓珠亦覺魚腥焚之發清香可愛
貨于蘇門之市每兩用彼國金錢十二個

東西竺其山與龍牙門相望若蓬萊方丈之幽田瘠
不宜稼穡歲籍浹洋米穀為食氣候不齊煮海為鹽
釀為椰酒男女斷髮繫布產檳榔木棉椰子簞

九洲山與滿刺加接境產沉香黃熟香永樂七年鄭
和差官兵入山採香得莖有八九尺長者六株黑花
細紋香味清遠番人駭嘆天朝威力古未有也

暹羅巴

暹羅巴古不通中國嘉靖間始有西商循小西洋東
來貿易香山嶼其後國人名道侶者每附舶而來計
海程八九萬里有近十萬者南起地中海北至水海

徑一萬一千二百五十里西起西海福島東至阿比
阿徑三萬三千里共七十餘國大國十一其地中有
海斗的亞諸島西海有意而蘭大指厄利亞諸島自
國王下及庶民皆奉天主耶穌其徒來遊中國多傳
道之人非修貢也萬曆中有大西洋人利瑪竇賡獻
天主像自鳴鐘鐵琴地球等器皆巧異神宗嘉悅勅
光祿日給廩餼瑪竇聰慧通中國典籍著交友論山
海輿地全圖嘗遊南京禮部侍郎沈淮奏逐之曰訪
聞海利瑪竇本佛郎機人其王畫廟原名巴里琅當
先年同黨詐行天主教于呂宋國奪之改號大西洋

云久之病卒賜葬阜城門外二里溝曰利泰而墓嗣
有龍華民麗迪哉畢等接踵而至行其教不廢有諸
曆學者崇禎初上諭日食不合推數恐大統曆法差
訛宜修正之禮部尚書徐光啓疏薦湯若望鄧玉函
羅雅谷三人召至京開局長安街作觀星臺推測著
書每月賜卓兒銀兩亡何玉函雅谷相繼卒若望乃
以新法製造黃赤金儀地平日晷及星球測天儀器
新法曆書內庭親測蚤旨褒賞命禮部議行之十五
年上傳兵部尚書陳新甲至東閣言西洋砲有無間
大將軍名號命若望鑄造傳習共大小砲二十餘位

大者重一萬二千餘斤次者三千餘斤又為空心砲
臺式并望遠鏡二具十六年大學士周延儒出督師
請諸火器命若望隨征十月又命赴薊督軍前調度
十七年遣大學士李建泰出小西勦撫同若望行晉
王審烜亦疏請之方至真定而賊逼都城遂徵還其
國風俗三十而娶二十而嫁一夫一婦無二色者賤
見責少見長以免冠為禮男子二十以上衣青女子
以金寶為飾服御羅綺佩帶諸香至四十或未四十
而寡者即屏去衣素喪服尚黑棺用木石或鉛追薦
誦天主經不燒楮錢酒以葡萄酒釀無則用麥生子

卽釀子至鑿婦用之年愈久更美屋上等石砌次磚
牆木柱鉛尾或輕上板上累六七層高十餘丈地中
亦有一層既用窖藏亦以除溼歷千年不壞一國一
郡有大學一邑一鄉有小學選舉行之士為師生徒
多至數萬人小學曰文科凡四一古賢名訓一各國
史書一各種詩一文章議論學者自七八歲至十七
八學成本師試之進于中學曰理科初年學落日加
譯言辨是非之法二年學西加譯言察性理之道
三年學默達費西加譯言察性理以上之道總名斐
錄所費亞學成本師試之進于大學乃分四科聽人

自擇一醫科主療疾病二治科主習政事三教科主
守教法四道科主興教化學成本師又試之方許任
事別有度數之學曰瑪得瑪第加專究物形之度與
數度其完者以為幾何大數其截者以為幾何多二
者或脫物而空論之則數者立算法家度者立量法
家或體物而併論之則數者在音相濟為和立律呂
家度者在天迭運為時立曆家法其學亦設學立師
但不以取士百工匠作皆學焉其製造併極精巧所
讀書籍皆聖賢撰著然以天主經典為宗字以二十
三字母互配而成凡萬國語言風雨鳥獸之聲皆可

寫出蓋隨音成字不以字命音也夫產五穀五金品
石璣瑤玻璃鎖祇多羅絨有金銀絲縵布以利諾草
為之視綿更堅潔用壞搗爛為紙火浣布火化人尸
以布包之骸爐灰存布內不散貯礮中葬高塔之上
葡萄大如桃李別有阿利祿孟桃果皆中國所無玫
瑰花最貴取蒸為露可當香藥

佛部機

佛部機在海西南近滿刺加向不通中國正德十三
年其酋弒立遣使三十人入貢請封至廣東守臣以
其國不列王會羈使以聞詔給方物直遣歸使者留

東莞劫行旅至掠食嬰孩廣人苦之守臣勅水兵攻
勦乃遁嘉靖初滿刺加訴佛郎機攻逐其王御史丘
道隆何鰲連疏請驅絕後諸番舶不之粵潯市漳州
久之兵部議仍舊既而佛郎機人別都盧等擁衆千
餘破巴西國遂寇廣東新會縣守臣勦之擒別多盧
等四十三人梟境上二十六年寇漳州私市吾興海
道何喬樂之遁去四十四年有前目噁啞喇歸氏者
浮海求貢初稱滿刺加已倭改稱蒲鹿都家部議南
番無蒲鹿都家或佛郎機所託也行鎮巡詳覈為謝
絕相傳其國頗富饒多高犀角象牙珠貝胡椒身長

七尺高鼻白皙鷹嘴猫眼鬚捲而髮近亦亦多髭首
雞髻貴者戴冠賤者頂笠見尊長撒去之著衫袴垂
至腰皮屨衣服用瑣袱西洋布瑣哈刺最華潔俗信
佛喜誦經每六日一禮拜先三日食魚為齋至禮拜
日鷄豕牛羊不忌手持紅杖而行飲食不用匙箸富
者食麵貧與奴僕食米婚娶論財貴女售貲數倍無
媒妁神前相配以僧為証謂之交印國有大故亦多
與僧謀人死貯布囊以葬所畜牛入僧用布僧互易
搦指節示數累千金不立文字指天為約無敢負相
會則交捫手誣捫首勃然怒爭或詈辱及子孫父祖

家長輒以死關性克狡嗜利善大銃中人立死嘉靖
時廣東巡檢何儒招降佛郎機人得其蜈蚣船并銃
法以功升上元簿蜈蚣船底尖面平不畏風浪用板
桿蔽矢石長十丈濶三尺旁架櫓四十餘置銃三十
四約每舟撐駕三百人櫓多人衆難無風可疾走銃
發彈落如雨所向無敵其銃用銅鑄大者千餘斤因
名佛郎機

呂宋

呂宋在東洋中國甚小以產黃金故富厚人淳樸不
喜爭訟交易不立契衣衫襦穿皮屨出入佩刀自衛

亦時禮天誦經洪武五年同瑣里諸國貢方物永樂
三年遣陽察老來朝貢賜文綺命廣東布政司宴勞
萬曆四年助討逋賊有功來貢道福建其地去漳近
故多貢舶今附香山濠鏡澳貿易而中國通倭者率
關入呂宋以為常初佛郎機從大西來自稱于系蝶
國與呂宋互市因上黃金為王壽求地如牛皮大蓋
屋王許之佛郎機乃剪牛皮相續為四圍求地稱是
王重失信竟予地月徵稅因築城營室列銃置刀盾
久之園宋呂殺其王而地并與佛郎機矣王遣酋來
鎮一歲數易華人販呂宋既夥留居澗內名壓冬至

數萬萬曆二十一年酋卽敝寨系勞征美洛各以華人滿和五等二百五十人從酋偃卧船上令華人日夜駕船稍倦輒殺之和五等不勝荼毒謀夜入卧內刺酋持其頭大呼諸彝驚起悉赴水死和五等盡獲金寶兵器駕其船回失道走廣南為交趾所掠竟被留獨郭惟太等三十二人得歸明年酋子卽雷猫各從朔霧往代遣僧來聞新都御史許子遠疏聞因以禮遣僧置惟太等于理始酋故奴視華人而中朝採金之使四出一妄男子張疑且詭稱呂宋機易山多生金豆也三十年詔遣海澄丞李時和往勘酋聞

太駭華人流寓者為游說結連為廠令僧散花道場
旁迎使者盛陳兵衛邀丞入設食問丞華言開開山
山各有主安得開且金豆生何樹丞數目疑疑無以
應酋大笑欲兵之華人曲解釋登舟丞悸死寢坐誅
傳首海外然酋益疑華人且啟疆決計殲諸流寓矣
明年遂謬言將征他島凡華人寸鉄厚鬻之華人利
其直無持寸鉄者乃刻期攻華人擒殺無算華人走
保大崙山饑甚酋復擊殺萬餘橫尸橫籍存者三百
人耳頃之酋悔禍下令招撫籍華人貨移書閩守臣
俾戚屬往領賈舶復稍稍去三十三年詔遣商諭呂

宋無生事其後留者復成聚云或曰呂宋相連曰叻
呷呷在海畔稍紆入山曰沙瑤其俗椎跣耳垂金鐸
衣剪錦綺奉天神所至拜寺兩手和南尤嚴男女之
禁有與妻嘲笑卽刺以刃盜無大小論死有願抵家
別者聽及期妻子送詣酋登高棚自剖腹死孕婦以
水灌之所生子置水中築板為城覆茅為屋又有班
監者卽蚊罩山山頭火光不斷亦名大山奇險不可
到人多扁頭赤身不受佛卽機部署皆呂宋隣國也
佛卽機未據呂宋時先聚朔霧與其國人親好其破
呂宋朔霧與力馬令以大酋擁兵守之且通婚媾居

載一附庸矣

和蘭

和蘭自古不通中國與佛郎機接壤時駕大舶橫行
瓜哇大泥間及聞佛郎機據呂宋得互市香山灣心
慕之萬曆二十九年忽揚帆濠鏡自稱和蘭國欲通
貢澳人欲拒之乃走閩閩人李錦久客大泥與和蘭
習說其酋麻韋即曰若請市無以易漳漳海外有彭
湖嶼可壘而守也巨璫在閩第謹事之無不如意者
三十二年遂詐為大泥國王書移閩當路及中貴人
高宗而以巨艦尾至彭湖時海上汎兵俱撤酋伐木

駕殿如履無人之境而錦徐挈漁舟附入漳龍為所
掠脫歸當事繫錦及前所遺猾商潘秀令諭首還自
贖并遣材官捧檄往乃多賫酒幣覲辱償海上奸民
又潛移華舄私與市首益生心觀望而璫采貪其賄
許以三萬金為壽與尋盟會當事所遣往勸材官沈
有容饒才畧從容諭首多中竊麻韋即頗心動衆露
刃相挾沈厲聲折之為語塞因僅以番刀及玻璃等
器遺璫求市已而當事嚴禁兵民接濟疏請聲勦而
度坐困遂宵遁錦秀等論如法旋奉旨傳諭大泥國
移檄和蘭無為細人所誤維時閩海稍寧而本首習

華境曲折心不能無他覬羨之海上利其金錢勾引
寶幣有徒四十五年更從呂宋港口迎擊華商爾後
遂入澎湖據為三窟矣其人深目碧瞳長髮赤髮閩
人因呼為紅毛番又稱紅彝云舟長可三十丈橫廣
五六丈樹五桅凡三層旁鑿小牕置銅銃以俟桅下
大銃長二丈餘中虛如四尺車輪云發此可洞石城
震數十里舵後銅盤大徑數尺往來海道不迷稱照
海鏡奉事天主甚謹役使烏鬼行巨濤中如平地本
不習戰因中國驅逐使募倭銜鋒所恃惟銃今紅彝
銃法盛傳中國佛郎機又為常技矣其屬國有美洛

居

美洛居在東海中稱蕃富酋出盛威儀所部合掌伏
道旁男子祝髮女椎髻腦後多巾中國酒器豪飲席
間設二大盆盛酒人手一器飲之長大者起為舞年
少環視遜不敢登場也初佛即機來攻願歲輸丁香
請降遂赦使自為守和蘭既橫行海外忽以舟師直
搗城下執其酋語曰若改事我珠勝白頸以佛即機
人頸皆白故云酋聽命佛即機聞之急治兵來討會
和蘭去國內空因誅和蘭所立酋更立素所親信者
已而和蘭既至復逐之去歲相攻殺華人疏寓者因

為遊說中分兩國以高山為界山北屬和蘭山南屬
佛和機遂各罷兵然自是其國皆兩屬賈舶亦紛紜
矣產多丁香土人以辟邪東洋獨北地有之

蘇門答刺

蘇門答刺古須文連那國東南大山西北距海龍涎
與西去一晝夜程乃西洋要會或曰漢條支唐波斯
即其地也自滿刺加西行順風五晝夜至答魯蠻村
舍舟陸行十餘里至其國無城郭大溪入海海口濤
惡善溺舟洪武中國王遣使奉金葉表貢馬及方物
永樂三年酋長罕奴里阿必丁遣使朝貢詔封為國

王賜印誥金幣五年來貢頌之王與花面王戰中矢
死于弱未能復讎其妻號于國曰能復讎者我以為
夫與共國事有漁翁出攻殺花面王王妻遂從馬稱
為老王永樂七年老王來朝貢詔厚賜之十年返國
故王子長率國人執殺漁翁翁子蘇幹刺奔峭山興
兵復仇故王子懇于朝十一年命太監鄭和往捕蘇
幹刺至京伏法王子感激貢方物甚夥或曰殺漁翁
者乃故王假子也為鄭和所擒其嗣國者蘇幹刺云
宣德六年貢馬賜彩緞紗羅紵絹九年王弟哈利之
漢來貢麒麟象十年封其子嗣王成化二十二年番

商馬力麻詳稱蘇門答刺使者私販易廣東布政陳
選數發其奸抵罪是後其國數易姓萬曆中主國者
乃大酋奴也奴為太酋收象象肥大酋使掌魚入其
稅奴得大魚輒上前不以充稅酋益喜甚親之前為
王掌兵入見王甚恭奴曰主何恭酋曰王也奴曰主
不欲耳欲之王矣因言王坐殿上甚肅第左右數人
耳主入見請王屏左右密言事王必從奴直上刺殺
王主可王矣酋從之奴遂刺殺王大呼殿上曰吾主
王矣其殿下卒不知所為大酋所掌兵又在門外因
誅其偶語者數人其餘悉授官大酋益德奴予以所

掌兵他日奴又以其兵刺殺大酋而自王王大治宮
案凡六門王出乘象輿薄傳呼甚盛民屋如樓用柳
子枕柳木縛藤鋪葦居之男女椎髻裸體腰圍色布
剝獨木舟漁海上氣候朝熱暮寒亦有瘴氣山產硫
黃土石皆焦黃色有油泉可取為油田瘠惟種早稻
無麥胡椒蔓生菓有柑橘甘蔗芭蕉芋莽吉柿波羅
密又有脯爾馬果外皮甚臭剖開取囊如蘇油香美
又有掩拔果其味酸甜香烈有金島產金及銅鐵錫
市用金錢名底那兒錫錢名加失釐交樟子為酒言
語婚喪物產與滿剌加相似貢物犀牛龍涎寶石香

力微哈刺樓眼水下降迷諸香風俗淳和惟酋長好
殺人輒取血浴身其國一名咀嚙有小連阿魯那孤
兒黎伐三國

那孤兒

那孤兒即花面國男女皆以墨刺面為花獸狀故名
國小僅此大村可千餘家風俗太類蘇門答刺標頭
裸體單布圍腰上下自耕自食孳生牛羊鷄鴨羅布
強不食弱富不驕貧不盜稱善地馬洪武初使臣以
海船駐北蘇門答刺遣人往其山採硫黃酋長感德
遂入貢

阿魯

阿魯在西南海中與九洲山相望自滿刺加順風三晝夜至永樂五年其王速魯唐忽先遣使滿刺哈三附古里諸國朝貢令中使往賜王文綺貢物象牙燕腦土瘠產薄種芭蕉椰子為食男子裸體圍綃布常駕獨木舟入海捕魚或山行採米腦香物售商船防身以藥鐵弩風俗亦與蘇門答刺同或云阿魯即啞象也啞魯南大山北大海西蘇門答刺東有平地可種稻穀貨用稀少綿布名考泥米穀牛羊鷄鴨甚廣其國王及民皆曰回人山有飛虎如貓大有肉翅和

蝙蝠能飛不遠人有獲者不服家食即死產象牙
腦黃連香按二國風俗不同未知孰是啞魯從淡水
港入即淡洋也淡洋與阿魯山接圍繞有港通大溪
汪洋二十餘里奔流出海中一水清淺味甘舟人往
來汲之故名田肥禾盛米粒小而香氣候俗與阿魯
類

黎伐

黎伐小國南連大山北際海西距南泥里東南連那
孤兒居民千家推一人為首領隸蘇門答刺言詔服
食皆同山多野犀王亦差人捕獲隨蘇門進貢

錫蘭

錫蘭山與柯枝國對峙以別羅里為界自蘇門答刺
順風十二晝夜至占城極西可望見馬番語高山為
錫蘭因名或曰即古狼牙須國在南海中海中有翠
藍嶼最高番名接馬蠻其山大小有七門中可通舡
傳聞釋迦佛經此浴于水人竊其袈裟佛誓云後有
穿衣者必爛皮肉由此男女削髮無衣以樹葉紉結
前後宣德七年鄭和泊船此山見山中人駕獨木舟
來貨椰實皆裸形故俗名赤卵塢過此山西行七日
至鶯哥嘴更三日至佛堂山有大磐石印足跡三尺

許和博釋迦佛從翠藍嶼來登躋跡尚存中有淺水
潭國人以坭面自白佛米山麓有卧佛寺稱佛涅槃
其身卧榻華飾有舍利子又西北陸行五十里抵玉
居王係瓊里人尚釋重象牛煨牛糞塗地而禮佛地廣人
食其肉王宮民居旦必調牛糞塗地而禮佛地廣人
稠宜稻聚百物富饒亞瓜哇山產水晶青紅寶石黃
鶉石每大雨衝流沙中拾取之番人云山中有人
祖阿畔聖人即盤古腳迹其寶石乃人祖眼淚所結
此海旁有珠簾沙光浮動射日間歲淘珠諸番費爭
來市市用金錢國人半裸下屢悅如壓腰去鬚留髮

女椎髻腦後下紫白布飲食不令人見梁書稱狼牙
王先奔天竺俗袒而被髮以吉貝為千綬王及貴臣
加雲霞布覆脾金繩為絡帶金環貫耳女子被布璫
珞繞身王出乘象蓋近天竺教云永樂九年平使鄭
和奉勅賫金銀供器絲絳織金寶幡布施佛寺及建
石碑賞賜國王頭目等其王亞烈若奈兒負固謀伏
兵絕歸路和先發衛枝疾擊擒其王獻俘闕下釋之
擇立其屬賢者十年封耶巴乃那為王十四年貢方
物援命鄭和等賫賜之宣德八年遣使朝貢賜王及
妃文綺正統十年遣耶巴剌摸的里亞等貢珠寶石

天順三年王葛力生夏刺昔利把亥刺惹遣使朝貢
今金陵靜海寺藏有佛寶來自西方亦鄭和所取貢
物有水晶珊瑚諸香烏木藤竭硃石

覽邦

覽邦漢疎勒國也地多沙磧麻麥外無它穀山坦迤
無峰巒水亦淺濁谷好佛勤賽祀有駝馬牛羊市亦
用錢洪武九年國王昔里馬哈刺札的刺札遣人奉
表來貢永樂宣德中附隣境貢方物有胡椒蘇木檀
降香孔雀戎曰其國好食人故覽邦港口無泊船者
外有小嶼名奴沙牙望錫蘭山不遠

溜山

溜山番名牒幹自錫蘭山南去順風七晝夜至其山
四面濱海如洲在西海中天生石門如城關中可過
船大溜有八白沙溜人不知溜起未溜麻里哥溜加
平年溜加加溜海都里溜官與溜餘小溜無慮三千
土人曰此弱水三千也舟行遇風入溜即溺人率依
山巢居穴處不識菽粟種椰子樹為業網溜洋大魚
晒以代糧茶髮纏首穿短衫圍梢布亦多裸形紉樹
葉蔽前後婦人以手中蓋頭止露其面王頸目民庶
皆回回人婚喪禮悉依教而行氣候常熱如夏風俗

淳美市用銀錢產龍涎香漁人于溜礁上採之海取
山積當錢使柳皮結繩可貫板成舟塗瀝青堅如鉄
釘鼓魚一名溜魚織絲悅甚精密亦有織金悅永樂
中國王亦速福遣使來貢

柯枝

柯枝一名阿枝古槃槃國東連大山西南北背海自
錫蘭山西北舟行一晝夜至通古里國界洪武中來
貢永樂二年國王可亦里遣使完者答兒來朝貢十
年復至詣封其國大山詔賜王印誥并封山為鎮國
御製碑文其銘曰截彼南山作鎮海邦吐烟出雲為

下國洪龐時其雨暘肅其煩燭作彼豐穰祛彼妖氛
庇于斯民靡灾靡沴室家胥慶優游卒歲山之整兮
海之深矣勒之銘詩相為終始是時中使鄭和至其
國王瑣里人也首纏黃白布上不衣下紫綵帨束絛
壓腰綴椰木葉苫屋國人椎髻短衫圓車布族有五
種曰南昆與王同類祝髮線懸脰最貴次回回次哲
地富有財次草金為牙儉最下木瓜居海濱業漁樵
為傭役屋簷不得過三尺衣不蔽膝或裸體遮以革
遇南昆哲地蒲伏候其過乃起王尚浮屠敬象牛範
金為佛佛座周圍砌水溝傍穿一井每旦鳴鐘鼓汲

水灌佛頂數四羅拜而退有司濁肌者胎髮縷縷垂
後耳牛糞灰塗體行吹大螺妻隨之乞食蓋優婆塞
也氣候常燠無霜雪每年二三月間下陣頭雨五六
月晝夜滂沱八月半後方晴更無雨矣謗云半年雨
落半年晴即此土產胡椒滿園貯倉待販市用小金
錢名吧喃銀錢十五當金錢一

小葛蘭

小葛蘭訛為喙喃東連大山與柯枝接壤西南北皆
海自錫蘭山西北行六晝夜至西洋諸國之馬頭也
王瑣里人其下多回回南毘男少女多候熱土瘠仰

榜葛刺國米為食牛飯和酥酪婦喪冠服大類錫蘭
市用金錢大名僕伽小名吧喃產蘇木胡椒檳榔波
羅密羊青毛脚高二三尺黃牛有三四百觔者永樂
五年附蘇門答刺等國朝貢尋中使鄭和至其國王
優遣使入貢又有大葛蘭與都欄礁相近土黑坎宜
穀居民懶事耕作賴烏爹米為食男女纓頸穿長衫
產胡椒椰子海魚檳榔風俗大抵與小葛蘭同然小
葛蘭入貢大葛蘭獨否惡在其為大也

木骨都束

木骨都束瀕海自小葛蘭順風二十晝夜至堆石為

城并壘為屋高四五層厨廁待客皆在馬地曠田瘠
或數年無雨穿井極深以羊皮袋水俗習射富者
附舶遠賣貧民網海魚為食男拳髮四垂腰圍稍布
女髮盤于腦黃漆光頂耳掛絳索頂帶金圈瓔珞垂
胸出則單布兜遮青紗蔽面足履皮鞋草木稀少牛
羊駝馬皆食乾魚產龍涎乳香金錢豹永樂中寄遣
使朝貢

刺哇

刺哇與木骨都束接自錫蘭山南去二十一晝夜
至星傍海築石城石屋與木骨類業漁不耕有蔥蒜

無瓜茹廣斥鹵有鹽池但後樹枝良久撈起凝白鹽
其上拳髮穿短衫圓梢布婦女耳垂金錢頂帶瓔珞
產馬吟獸狀如麝樟花福祿狀如花驢豹麂犀牛龍
涎象牙駱駝永樂中常遣使朝貢

古里

古里西洋諸蕃之會海中一大國也西瀕海東通坎
巴蘇國北接狼奴兒國南距柯枝自柯枝海行三日
至永樂元年王馬那必加刺滿遣馬戌朝貢馬三
年主沙米的遣使朝貢五年遣太監鄭和費誥命銀
印封為古里國王建碑亭立石云去中國十萬餘里

民物咸若熙皞同風刻石于茲永樂萬世七年復來
貢貢物有諸香苾布花氎琉璃瓶琉璃珠玳瑁雙
刃刀番花人馬象物手中花靠枕等貢金絲寶帶金
絲細如髮結花綴八寶珍珠鴉鵲石于上差頭目乃
那進獻其國人亦有五等王王南毘人不食牛將領
向回人不食猪王不傳子傳外孫否則傳弟無外孫
弟傳善行人國事皆決于二將領王以銅鑄佛名乃
納兒造佛殿蓋銅瓦殿側掘井旦起汲水浴佛拜訖
收牛糞調水塗地或煨成白灰為囊佩之以抹額及
股俗尚信義行者讓路進不拾遺海濱為市哲地拍

手定價不改算法用手足二十指分毫不差金錢名
吧喃銀錢名搭兒布名檳梨出坎巴與國本國亦將
發絲染織花悅山鄉多種胡椒富家種椰子嫩者釀
酒老者打油造糖做飯外包之穰打索造船殼為杯
碗又有四季冬瓜芭蕉子波羅蜜木鱉子蝙蝠大如
鷹黃牛大者三四百斤人皆不食死則埋之人無酥
油不食家養孔雀以葫蘆為樂器紅銅絲為絃番歌
相和鏗鏘可聽刑無鞭笞輕斷手足重罰金珠戮沒
產戚族有不伏罪者置銅鍋熱油令手探之布裹三
日開視若清爛即加刑如舊不損以穀樂送歸產處

馬白鳩無餘鳥諸香

古里班卒

古里班卒在海中永樂三年國王遣人馬的來朝貢
其國土瘠數少物產甚薄氣候不齊夏多雨雨即寒
俗質朴男女被短髮假錦纏頭紅綃繫身

竹步

竹步與古里國連境地廣而僻村居寥落城垣石壘
屋砌高堆無霖雨紋車深井捕網海魚男女拳髮出
以布兜風俗頗淳產獅子金錢豹駝鷄有高六七尺
者龍涎乳香金箔永樂中入貢

刺撒

刺撒自古里舟行順風二十晝夜可至倚海為居壘石為城屋亦如之連小廣地草木不生牛羊馬駝皆食乾魚田瘠少收唯麥略有氣候常熱數年無雨鑿井絞車馬皮袋水男拳髮穿長衫女髡頭粧點風俗淳厚喪葬有禮有事禱于鬼神永樂中入貢

忽魯模斯

忽魯模斯在西南大海中東連大山自古里開舡西北風十晝夜可至永樂三年國王遣刺足來朝貢駝鷄鷄如鶴長三四尺脚二指毛如駝行亦如之帝命

侍臣金幼孜賦焉其國邊海倚山壘石為城屋土沃
民饒廣麥少數有一大山四面各產一面出鹽堅如
鉄石鑿為盤碟用食焉一面出紅土如銀珠一面出
白土如石灰一面出黃土王令人守之上下皆同曰
教一日禮拜三次喜歌舞惡殺風俗樸厚無貧人貧
者衆助以資婚喪悉教依規娶妻必置酒加酌加酌
者掌教之官也男子偉貌拳髮穿長衫善騎射女子
編髮四垂漆頂出則布幔兜頭青紅紗蔽面兩耳掛
絳索金錢數枚以石磨水點臉花紋為美飾手足皆
金鐲以銀鑄錢名底那兒市肆賣熟食惟無酒館國

法飲酒藥市人食必拌酥油馬食乾魚果有萬年棗
羊有山羊綿羊狗尾羊又有闕羊高三尺許前毛拖
地後剪角彎向前帶小鐵牌行動有聲人養在家賭
博為戲有奇獸名草上飛番名昔鴉鍋大如猫身玳
瑁斑百獸見之皆伏亦有獅子麒麟大馬福虎馬哈
珍珠寶石金珀龍涎撒哈刺戕卑等物入貢或云即
忽魯母恩國按忽魯母恩在東南海中永樂三年王
遣臣已即丁朝貢其非一國明矣國小土瘠止產檀

速胡椒

祖法兒

祖法兒亦曰左法兒漢之太叔唐之吐火羅皆其國也自古里西北海行十晝夜可至東南大海西北重山疊石為城屋層如塔田廣而饒土黃赤不生草木民捕魚為生牛馬亦食之氣候常如秋俗頗淳體幹修碩言語質樸尚回回教王白布纏首金錦袍青花絲襖靴屨乘轎跨馬前後列象駝擁刀牌吹簫箏男手奉髮長衣皮鞋女人出以布蒙頭如遇禮拜日沐浴搽薔薇露沉香油以小玉爐燒沉香檀燭以兒薰其衣禮拜後出經街市香氣半晌不散土產乳香乃樹脂也中國寶舡到開讀賞賜畢王諭國人將乳香

并血竭蘆薈沒藥安息香蘇合油木鱉子之類來換
紵絲磁器等物市用金錢名尙伽錢文人形產西馬
鶴頂福鹿金錢豹駝鷄駝單峰雙峰皆可來永樂中
王亞里遣人朝貢宣德中復至

阿丹

阿丹古丹丹國瀕海自古里開船順風二十晝夜可
至疊羅肢石為城屋高四五丈土沃豐粟麥民富饒
有馬步勝兵數千鄰國畏之永樂九年遣太監鄭和
齎詔賜王冠服命互市其率國人迎入交易有珍珠
猶睛鴉姑珊瑚高二尺者數珠并金箔薔薇露麒麟

獅子花福祿金錢豹駝鷄白鳩之類王金冠黃袍穿
帶坐禮拜寺白布纏首加金錦頂白袍坐車列隊而
行男子拳髻穿撒哈利族幅錦絢細布等衣女人布
帽兜頭青紗蔽面耳垂金錢頂掛瓔珞臂纏寶釧足
帶指環赤金鑄錢名喃嚕黎紅銅者名喃嚕斯氣候
溫和常如八月九月善推算花開為春葉落為秋無
閏月其國王常進金銀寶帶二條金冠一頂蛇角二
枚各樣寶石嘉靖時造方丘及朝日壇王爵購紅玉
於天方哈密諸國不得通事撒文秀言二王產在阿
丹云去魯番西南二千里其地兩對峙自為雌雄或

時自鳴請依宣德下番例費重賄往購帝竟從部議
已之

古麻剌

古麻剌在東南海中永樂十八年國王幹剌義亦敦
奔率妻子及陪臣來朝貢方物請封給印誥令仍舊
號次福州卒賜謚康靜勅葬閩縣有司歲時祭焉其
國有州百餘佛宇至四千區向未通中華南有層拔
國在大海中而接大山其人大食裡纏青布躡皮鞋
地多岩谷少寒產象牙生金

西洋瑣里

西洋瑣里瀕海近瑣里差大洪武三年其王別里松奉金葉表貢方物賚予甚厚永樂三年復遣使朝貢帝曰海外遠曩附載番貨其勿征二十一年西洋十六國遣使二千二百人貢方物西洋瑣里貢獨豐美有黃黑虎兜羅錦被皮剝槁泥沙馬打里布

瑣里

瑣里西海中小國洪武五年其王卜納的遣撒馬牙茶嘉兒幹的亦刺丹八兒奉金葉表朝貢貢物有撒哈刺紅八者藍窺木里白苾諸異布

淡巴

淡巴在西南海中洪武十年國王佛喝思羅遣使奉表朝貢賜金幣其國土廣景秀泉甘水清饒草木藂富石城瓦屋市肆基置興馬威儀甚都國人勤治生稀寇盜耕種各有常業居然樂土貢物苾布兜羅錦被沉速諸香胡椒

甘巴里

甘巴里在南海中大島上人多織錦粒食亦鮮食永樂十二年國王兜哇刺查遣得名公葛葛來朝貢或曰甘巴里小國介西南海中與諸隣國不通交勢產薄用窘然奉佛亦不求積聚無乞丐者

討來思

討來思在海中周徧不百里城近山山下有水赤色
望之如火俗尚神主家事以婦人布多牛羊馬駝亦
有布縷毛褐交易用錢土宜麥稌無稻穀宣德六年
朝貢

打回

打回海外小國數為鄰國所苦已乃治兵與戰戰勝
稍得自立永樂三年遣麻勿來朝貢

白葛達

白葛達海中小國土瘠俗尚佛宣德七年國王遣和

者里一思八貢

黑葛達

黑葛達國小民貧平川廣野草木暢茂禽獸鮮少俗尚佛畏刑市肆多牛羊交易用鐵錢宣德中國王遣使十人來朝貢方物

亦思把罕

亦思把罕在西南海中為大國廣袤近千里四面皆海西北多山東南平沙國有城堅壯王居亦侈麗物產豐厚風俗質朴尚佛畏刑喜施惡奪亦有中國人寓焉時時出貢撒馬兒罕市多馬駝少布帛有珠玕

無稻粟日食惟麥麥粒粗壯甘美永樂中遣使四十
四人來朝貢

榜葛刺

榜葛刺本天竺國天竺有五卽度南瀕海北距雪山
東際海與扶南林邑接西與罽賓波斯接榜葛刺者
東印度也自蘇門答刺開船取翠藍嶼抵浙地巷更
小舟行五百里至鎖納兒港有城池市聚陸行三十
五里至板獨哇酋長居焉城郭甚嚴殿門三重九間
銅柱雕獸內設馬隊外列巨漢甲冑弓矢丹墀左右
孔雀扇蓋象隊數百王踞寶座刻橫于膝今中國佛

殿彷彿似之詔至以金銀拄杖各二人導伏謁甚
恭宴禮甚厚惟不飲酒以薔薇露和香密水代之宴
畢以金盤金瓶金盃金紮腰贈天使置金筒銀葉表
遣使費捧貢獻方物永樂二年王錫牙思丁遣使朝
貢賜文幣九年至太倉命行人往宴勞之六年復至
十二年命少監侯顯奉勅往諭賜王錦四段綾六十
匹玉簪并丁遣把一濟貢麒麟正統三年復至王及
臣民皆回回人祝髮纏首圓領長衣彩悅金錦皮鞋
女人髻椎後穿短衫圓色布絲綿耳垂金釧項掛嬰
珞四肢戒指不施脂粉顏色嬌白風俗朴厚人好耕

殖一歲二收賦十二筭杖徒流官有印軍有根除陵
醫卜百工技藝畢備市用銀錢海貳番名考噤價定
打手雖萬金不悔別有一種印度不食牛肉飲食男
女異處夫死不政嫁妻亡不再娶孤寡衆輪贍之五
嶺山最高大氣候恒熱曆有十二月無閑產鐵翠鑽
羽瑠璃蛇馬桑漆尤廣絲綿不數種有卑得滿者提
沙納已幅抑白勒搭噤等名葛哩葛勒闊四尺厚五
分背面毳絨即兜羅錦白樹皮作紙膩潤如鹿皮椰
莢為酒檳榔當茶波羅密大如斗奄摩勒香醲甚佳
有根宵速魯奈者優人也衣黑白花衫紫帨佩珊瑚

琥珀瓔珞吹哨吶打大小鼓歌舞侑觴能作百戲以
鐵索繫虎行市中入門解索裸而搏虎交撲數回就
繫如故人爭以肉啖虎勞戲者錢國語名撈葛哩貢
物有戲金瑤瑤器皿撒哈刺梵羅綿烏爹泥宿頂犀
角翠毛紫膠藤竭糖霜之類

活納撲兒

活納撲兒在撈葛刺迄西即中印度也又名金剛座
乃釋迦得道之所永樂十八年國王亦不剌金數侵
撈葛刺遣使貢勅諭之因奉朝貢

已喇而正德六年遣使沙地白入貢云其國在南游
甚遠在洋舶行凡四年半被風飄至西瀾海面舶壞
惟存一脚艇又在洋飄風八日至咭呤國住十二月
又往地名秘得住八月乃遵陸行二十六日至暹羅
國以情白王賜日給又與婦女四人住四年至今年
五月纔附番人柰林舡入廣其所賫金葉表文木犀
六枚祖母綠一塊珊瑚四株琉璃瓶四把琉璃盞四
個瑪瑙珠胡黑丹

阿哇 麻林

阿哇永樂中國王昌吉刺遣其臣入貢麻林永樂十

三年遣人獻麒麟尚書呂震請率群臣上表賀帝曰
往翰林院修五經四書性理大全成欲上表進賀朕
則許焉麒麟有何損益其罷賀厚賜遣之二國皆未
詳所往會典載永樂中西洋朝貢者又有急蘭丹國
奇刺尼國夏刺比國密察尼國烏涉刺羯國魯密國
彭加那國拾刺齊國八可意國坎巴桑替國千里達
國沙里灣泥國僅存其名而已又按永樂七年太監
鄭和往占城等國九年回京十年少監楊勅往榜葛
刺等國十二年回京十三年鄭和往榜葛刺諸國十
六年回京宣德元年太監侯瑄往烏思藏諸蕃回京

回京一年鄭和往忽魯謀斯諸番八年回京其有受
詔而未入貢者附列于後

麻逸凍在交欄山西南洋海中山峻平地氣候稍熱
田禾倍收男女椎髻長衫圍色布手巾俗尚節義婦
人喪夫則削髮勢面絕食七日與夫尸同寢多有並
逝者得甦亦不再嫁至焚夫尸或赴火死黃酒為鹽
釀屬為酒產木綿黃蠟玳瑁檳榔

假里馬丁在海中與交欄山相望其地山列翠屏溪
田雖有米穀少收氣候常熱俗甚貧薄男女髡髮竹
布為衣種芭蕉採其實以代梁煮酒為鹽釀蔗為酒

產玳瑁羖羊

勃斯里所轄州一十六村落三百六十每村供國用
一日王白暫纏首着衫出入乘馬儀從甚都導馬三
百匹以鞍寶轡虎十頭縻以鉄索臂鷹扶劍以從多
至千百人有大塔高二百丈國被兵則據塔拒敵可
容二萬衆其國百年無一雨有天江水極甘每溢可
浸田水過而耕莫知其源也江上有鏡他國盜兵來
輒先照之

水蘭皮在西海中自大食國舟行正西涉海百餘日
方至一船容萬人中有酒肆棧枵米粒長三寸瓜圓

六尺香髻桃榴並巨羊高數尺尾大如扇春割腹取
諸縫合仍活秋風忽起人獸急就水飲稍遲渴死
咭吟海島小國白布纏首身穿小袖長衫食以手忌
承見華人食輒厭其穢產胡椒蘇木荳蔻象牙附舶
香山濠鏡灣貿易

順哈亦海島小國人醜而黑衣布帛飲食生熟相半
婚姻不論貴賤意合則從產胡椒象牙丁香荳蔻

古刺國

古刺國在百桑之外萬餘里永樂中給事中周讓使
百桑聞其國人慕華莫為先使歸以聞天子嘉之遂

命讓由滇池入跽數月乃至至則其酋驅象馬建旗鼓
具舟供帳陳兵出迎作新亭館以居讓即遣使從他
使者至京報謝留讓居歲餘勞宴甚至讓還朝遣使
貢方為請臣置吏天子授以古剌宣慰使賜冠帶印
章